

Grad Novi Pazar

Skupština grada

Odbornička grupa SDA Sandžaka

Novi Pazar

15. juni 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O REALIZACIJI OPERATIVNOG PLANA ODBRANE OD POPLAVA NA TERITORIJI GRADA NOVOG PAZARA ZA VODE II REDA ZA 2022. GODINU**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 16. juna 2023. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 55. Zakona o vodama Republike Srbije („Sl. glasnik RS" br. 30/10, 93/12, 101/2016, 95/18 i dr. zakon), članova 29, 44, 70, Zakona o smanjenju rizika od katastrofa i upravljanju vanrednim situacijama („Sl. glasnik RS" br. 87/18), člana 15. Statuta grada Novog Pazara („Službeni list Grada Novog Pazara“, broj 8/17) i člana 137. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj dana 16. juna 2023. godine, donosi

ODLUKU O DOSTAVLJANJU IZVJEŠTAJA O REALIZACIJI OPERATIVNOG PLANA ODBRANE OD POPLAVA NA TERITORIJI GRADA NOVOG PAZARA ZA VODE II REDA ZA 2022. GODINU

Član 1.

Obavezuje se Gradski štab za vanredne situacije grada Novog Pazara da podnese izvještaj o realizaciji Operativnog plana odbrane od poplava na teritoriji grada Novog Pazara za vode II reda za 2022. godinu.

Član 2.

Gradski štab za vanredne situacije grada Novog Pazara izvještaj iz člana 1. ovog člana podnijeće u roku od 30 dana od dana stupanja na snagu ove odluke.

Član 3.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj: _____

U Novom Pazaru, _____ 2023. godine

PREDSJEDNICA

Dr. Anela Šemsović

O B R A Z L O Ž E N J E

I – Pravni osnov za donošenje odluke

Pravni osnov za donošenje ove odluke sadržan je u članu 55. Zakona o vodama Republike Srbije („Sl. glasnik RS“ br. 30/10, 93/12, 101/2016, 95/18 i dr. zakon), članovima 29, 44, 70, Zakona o smanjenju rizika od katastrofa i upravljanju vanrednim situacijama („Sl. glasnik RS“ br. 87/18), članu 15. Statuta grada Novog Pazara („Službeni list Grada Novog Pazara“, broj 8/17) i članu 137. Poslovnika Skupštine grada Novog Pazara („Službeni list grada Novog Pazara“, br. 6/19)

II – Razlozi i cilj donošenja odluke

Operativni plan odbrane od poplava na teritoriji grada Novog Pazara za vode II reda za 2022. godinu, donijet je na sjednici Skupštine grada Novog Pazara 5. maja 2022. godine. Ovaj Operativni plan sprovodi se na osnovu:

- Zakona o vodama Republike Srbije („Sl. glasnik RS“ br. 30/10, 93/12, 101/2016, 95/18 i dr. zakon);
- Zakona o smanjenju rizika od katastrofa i upravljanju vanrednim situacijama („Sl. glasnik RS“ br. 87/18);
- Naredbe Ministra poljoprivrede, šumarstva i vodoprivrede br. 325-10-665/2021-07 od 07.12.2021. godine („Sl. glasnik RS, br. 123/2021 od 15.12.2021.god) o utvrđivanju Operativnog plana za odbranu od poplava za 2022. godinu (u daljem tekstu: Operativni plan za vode I reda);
- Opšteg plana za odbranu od poplava za period od 2019. do 2025. godine („Sl. glasnik RS“ br. 18/19).

Shodno odredbama Zakona o smanjenju rizika od katastrofa i upravljanju vanrednim situacijama, stanje poplave predstavlja vanrednu situaciju, a zaštita i spasavanje od poplava je jedna od dužnosti štabova za vanredne situacije, od republičkog do lokalnih.

Da bi se smanjilo štetno djelovanje voda i da bi posljedice izazvane plavljenjem bile što manje, pomenutim Operativnim planom predviđene su preventivne mjere odbrane od poplava i to:

- Stalno raditi na povećanju stepena sigurnosti odbrane od poplave;
- Izgradnja manjih ustava i brana za prijem poplavnog talasa;
- Stalno raditi na pošumljavanju goleti;
- Preduzimanje mjera na čišćenju rječnih korita i potoka od nanosa i rastinja raznih vrsta;
- Održavanje i unapređenje sistema osmatranja, veza i informacija;
- Obezbijediti da se u postupku izrade i donošenja urbanističkih planova, odrede opšti i posebni uslovi za zaštitu od nepogoda i poplava.
- Kroz urbanističko uređenje prostora i naselja, predvidjeti i mjere za zaštitu života i zdravlja ljudi, kao i materijalnih dobara od poplava.
- Izvođenje nedostajućih odbrambenih nasipa i održavanje postojećih;
- Izgradnja mostova i propusta sa većom propusnom moći;
- Osposobljavanje građana za zaštitu i spasavanje od poplava, kroz ličnu i uzajamnu zaštitu;

- Osposobljavanje preduzeća od interesa za zaštitu i spasavanje od poplava i unošenje njihovih zadataka u planove odbrane;
- Osposobljavanje jedinica civilne zaštite;
- Izrada planova zaštite i spasavanja od poplava.

Također, predviđeni su i određeni preventivni radovi, za 2022. godinu, kao što su: čišćenje nanosa, uklanjanje vegetacije, produbljivanje korita, izrada nasipa i ukorićavanje dijelova rijeka Jošanice, Izbičke, Deževske, Trnavice, Tušimske Sebečevske, Jusuf potoka i Paralovskog potoka.

U završnim odredbama ovog Operativnog plana, pod tačkom 3. propisana je obaveza Komandanta Štaba da kvartalno izvještava Gradsko vijeće i Skupštinu grada o radu Štaba, a u vezi realizacije Operativnog plana odbrane od poplava.

Zakon o smanjenju rizika od katastrofa i upravljanju vanrednim situacijama propisuje (član 29. stav 1. tačka 11) da jedinica lokalne samouprave usvaja godišnji plan rada i godišnji izveštaj o radu štaba za vanredne situacije.

Budući da izvještaj o realizaciji Operativnog plana odbrane od poplava nikada nije dostavljen Skupštini grada, a Plan se svake godine donosi na Skupštini, cilj ove Odluke je izvršavanje zakonskih procedura i transparentno izvještavanje najvišeg tijela grada i građana o aktivnostima, mjerama i izvedenim radovima koje su ovim Planom definisane.

III – Objašnjenje pojedinačnih rješenja propisanih ovom odlukom:

Članom 1. utvrđen predmet ove odluke.

Članom 2. propisan je propisan rok za izvršenje ove odluke.

Članom 3. propisana je obaveza objavljivanja u „Službenom listu grada Novog Pazara“.

IV – Finansijska sredstva za sprovođenje ove odluke nisu potrebna.